



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1230. Usque Ad Annum 1248

Fleury, Claude

August. Vind. [u.a.], 1764

VD18 90118049

§. 28. Anglorum querelæ.

[urn:nbn:de:hbz:466:1-66268](https://nbn-resolving.org/urn:nbn:de:hbz:466:1-66268)

mates haud consensisse caufabantur. Vi- Sæcul.XIII.
debantur Regis Joannis donationem tan- A. C. 1245.
gere. Conquesti etiam de Curia Roma-
næ exactionibus, epistolam nomine to- p. 663.
tius Angliæ Papæ scriptam legi curabant,
cujus hæc erat summa.

§. XXVIII.

Anglorum querelæ.

*Ecclesiæ Romanæ matri nostræ æquum sub-
sidium tributarium, quod denarium S. Pe-
tri vocamus, a longo tempore pependimus:
sed illo contenta non fuit, & postea tam
per Legatos quam per Nuncios suos alia
tributa petiit, quæ liberaliter contulimus.
Nec ignoras, Majores nostros condidisse ac
dotasse monasteria, iisque jus designandi
Parochos quosdam tribuisse. Verum an-
tecessores tui, ut ditarent Italos, quorum
numerus fiebat nimius, his illorum paræcias
assignarunt, quarum nullam isti curam ge-
runt, sive directionem animarum, sive cæno-
biorum, e quibus pendent, defensionem spe-
ctemus. Non exercent hospitalitatem, non
elemosynas largiuntur, percipiendis tantum
& ex Regno asportandis fructibus in-
tenti non sine damno nostrorum fratrum
& propinquorum, qui possidere hæc bene-
ficia deberent, ac per se, non per alios ad-
ministrarent. Hi vero Itali, ut rem dica-
mus, quotannis ab Anglia supra sexagies
mille*

Sæcul. XIII. mille selibras argenti accipiunt; nec ipsi Re-
A.C. 1245. gi suo tantam illa summam dependit.

Cum thronum Apostolicum conscendisse, te rem tam indignam correcturum esse sperabamus. Sed e contrario nostra opera increverunt. Doctor Martinus nuper sine permissu Regio Angliam intravit tanta cum potestate, quantam nullus unquam Legatus habuit, quamvis hunc ille titulum sibi non adscribat. Vacua beneficia supra triginta selibras ferentia in Italos contulit, pro quibus, cum essent mortui, alios substituit insciis Patronis, qui suum eligendi jus violatum dolent. Etiam de aliis ejusmodi beneficiis statuere vult, eaque sanctæ Sedis arbitrio reservare, postquam vacaverint. Extorquet a Religiosis pensiones nimias, in obsistentes interdicta & anathemata jaciens. Non credimus, eum tuo jussu sic agere, & ut remedia prompta adhibeas, supplicamus, alioqui tales vexationes diutius ferendo pares non futuri.

p. 665.

LECTA hac epistola magnum tenebatur silentium: & Papa, quantumvis instarent Legati Angliæ, nihil reposuit aliud, quam tanti momenti negotium maturam poscere deliberationem.

§. XXIX.

Sententia contra Fridericum.

p. 640. **T**um Thaddæus Sueffius, Papam contra Imperatorem sententiam dicturum